




kat.komp
53195

I

Mag. St. Dr.

P

Falecki Ioan Christoph: Archipaedia cur-
sus scientiae rationalis.



ARCHIPÆDIA.
CVRSVS
Scientiæ Rationalis.

In Almâ

ACADEMIA CRACOVIENSI,

Ex fundatione,

Perillustris olim & Admodum Rûdi D.

D. GABRIELIS
WLADYSLAWSKI

Præpositi Varſauien: Scholaſtici Lanciciç.

Canonici Culmenſis, &c.

Confecta,

Et publicæ trutinæ.

*In peruetuſtâ IAGELLONIANÆ Domus D. D. Theo-
logorum Lect.*

A nobili ſtudioſo Ioanne Chriſtophoro FALECKI,
Subiecta & propoſita.

*Præſidente Excellentiff. D. ALBERTO DABROVSKI, Col-
lega Minore. Cursus Wladislawiani profefſore,*

Anno Domini, 1641. Martij 4.

CRACOVIÆ.

In Officina Chriſtophori Schedelij, S. R. M. Typogr.



Bz. 1. 8. 6.

In Arma Domus Illustrissimæ.



53195
I

Excelsam gentem, quæ inter supereminet omnes,
Empyreis, signat, digna vel acta, plagis, (to ;
Magnanimosq; Viros, missos, Patriæ æthere ab al-
Frustra nec, id, sursum, flumen ad astra petit.

Ioannes Casimirus Koziebrodzki
Philos: & I. V. Auditor.

Illustriss. ac Magnifico Domino,

D. STANISLAO

Comiti in Wisnicz

LVBOMIRSKI,

Palatino, Generali Cracouiensi,

Spislsieñ. Zatorieñ. Nepoło-

niceñ. Dobczyceñ. &c.

CAPITANEO.

Domino & Patrono longè amplissimo.



*Pergrinus viator, quem longitudo itin-
ris, asperitas viarum, difficultas laboriosi
Cursus, æstuosa & puluerulenta die conse-
cti, ad grauem languescantis corporis de-
fatigationem dederunt; nil maximè votis, ab imo pe-
ctore conceptis habendum exoptat, Illustriss. Domine:
quàm si diuinitus in oblatum sibi fontem incidat: cuius
refrigerio, membra penè iam emortua reficiat, linguam
arescentem perfundat, os, spiritumq; anhelantem reso-
cillet: sic ut tandem propositum, quod recepit expedien-
dum,*

dum, commodius continuet. Neque ego temerè facio: aut
quadam præcipiti audaciâ inductus, tuo conspectui Illu-
strissimo, me cum Archipediâ Cursus scientiæ Rationalis
offerendum duxi: nisi ut propensum debitæ obseruantie
officium testificarer: imitatus præsertim carissimum
Parentem meum, qui non perraro gloriatur, quod eum
Tuae beneuolentiæ inclytâ gratiâ (ut decet tantum, tamq̃
excellsi animi Heroem) per multa annorum transacta tē-
pora, & semper fauentissimè complectaris. Quanquam
ille quoque rationes studium meum ad Te inflexerunt Il-
lustrissimè ac Magnifice Domine: ut vires intellectus
lanquæntes, non tam Cursu, quàm potius imbecillitate
in renij lassatas, Tui fluminis perquam Augusti & copiosi,
exopratisimâ refocillatione felicissimè confirmes: quate-
rus ad vltèrius negotium, quod intuendâ, & adorandâ
Archipediâ suscepi, fortior viribus, & viuacior prom-
ptâ mente progrediar. Sunc Tui fluminis eiusmodi ex-
celsæ ac penè incredibiles virtutes, ut quique boni inge-
niæ & beneuolentissimè fatentur: quibus id beatitatis, à
rerum omnium infinito Moderatore tributum est, ut pos-
sint vitam, cuiusque optimi, ad quæuis præclara conten-
dentis, non modo rescire, sed etiam dignè laudabiliterq̃
conseruare & amplificare. Gratùm est nobis, atque adeo
Mortalium vniuerso generi, quicunque suam salutem,
Patriam, libertatem, amicos, templaque religionibus
sanctissimis consecrata amant, commemorare tempus il-
lud, quo Tui fluminis felicissimè inundantes Aquæ, non
modo

modò Scythicos ignes, ad vastitatem Podoliae. Rus-
siae, Volhiniae, inferendam effusos restrinxerunt: Sed e-
tiam Tyranni Otthomanici, ardentem rabie, & furo-
re cupiditatem, quâ incensus iam nos sibi omnes, veluti
pabulum obiectum pollicebatur: ita oppresserunt, ut ad
hunc usque diem, nihil perniciiei, intra latibula suae ty-
rannidis conclusus, audeat aut fumare, aut intentare.
Verbo dicam, de Tuo amplissimo simulque fecundissimo
flumine, ubicunque vel minima gutta ceciderit: ibi
confestim exoriantur Tempia, Claustra, Religiones, Ar-
ces, Ciuitates, Liberalitas Magnanimitas, vis animi
excelsa, Iustitia, Prudentia, Zelus & vindex defensio
fidei Orthodoxae; nec nõ fortis oppositus laterum & cor-
porum pro pace, ac communi omnium populorum con-
seruandâ incolumitate. Itaque ego hæc studiosissimè a-
nimo reuoluens, prout sunt omnia singulari trutinâ, at-
que commemorabili recogitatione dignissimâ: haud pro-
fectò alibi, augustius patrocinium mihi, meaque Archi-
pædiæ polliceri potui: nisi ad ripas, & flumina Tuæ exi-
miæ uberrimæque humanitatis: quàm quidem Archipæ-
diam, meaque vniuersa studia, labores, conatus, lucu-
brationes, vel saltim sub umbram Tuæ protectionis ut
recipias vehementer oro & obsecro. Tu Illustrissime
Domine, pensa non tam literarium munus, quod de suâ
naturâ est perquam exile; quàm potius meam voluntä-
tem, quæ se ab ineunte ætate, rectissimâ informatione Al-
mae Academiæ Cracouiensis, atque bonarum artium, vir-

tutumque cæterarum honestissimis disciplinis, habilem
reddi curat; Ut olim dignè tuis seruitijs, honori, & am-
plitudini inferuire possit. Viue felix, diu, multum-
que fortunatus, maximum decus patriæ, ac Reipublicæ
singulare fulcrum & ornamentum. Datum ex Contu-
bernio Garuasiano. Die 19 Febr. Anno 1641.

Illustrissima Amplitudinis Tuæ

Cliens & seruus humillimus

*Ioannes Christophorus Falecki,
Philos. & I. Vq. Auditor.*

ARCHI



ARCHIPÆDIÆ. THEORETICÆ DETERMINATIONES.

Ex Naturâ Logices.



1. Scientiam Rationalem, quam facimus correctricem functionum nostræ potentiæ intellectiux, libenter dandam concedimus: cuius principatus tantò eminentior, quantò titulorum plurimorum copiâ, supra cæteras est excellentior. Vocatur à doctis Viris Organum. Ars Liberalis, Ars Triuiialis, Sermocinalis, Rationalis. Ars Cognata. Ars Vniuersalis, Ars Artium, Scientia Scientiarum, Ianua Sciētiarum. Modus Sciendi. Ars Coniecturalis, &c.

2. Placet tamen ex vsu Communi, præfer-

sertim antiquitatis Stoicæ vetustissimâ auctoritate approbato, vt hæc scientia nominibus Dialectices & Logices. appelletur: quorum vtrâq; si naturam rei spectes, quam elucidant, pro eodem accipiuntur.

3. Logicæ diuisiones, quas ex diuersis respectibus sortita est, hæc sunt: diuiditur enim in Naturalem & Artificialem: in Docentem & vtem: in Vniuersalem & Particularem; in Inueniendi & Iudicandi: In nouam & veterem: in Analitycam, Sophisticam, & Dialecticam: in Regulatiuam primæ, secundæ, & tertiæ operationis Intellectus. Deinceps in rationem definiendi, diuidendi & Argumentandi.

4. Ex his omnibus Logica Docens & Vtens singulariter philosophicæ speculationi subiectæ. sunt. Quanquam non faciunt distinctos habitus realiter: Vnde æqualiter extenduntur & terminis æqualibus terminantur. Nec Logica Vtens est solus Syllogismus Topicus, vel scientiæ illæ quibus applica-

plicatur: nempe Physica; Mathematica, Metaphysica, Ethica, &c.

5. Non est incōueniens Logicā posse vocari Artē & Sciētiā: licet tutius vt merè vocetur Scientia, eiq; locus inter partes philosophiæ assignetur: ac dūtaxat pro Speculatiuā habeatur: nil obstante probabilitate, vt possit esse simul Practica. & Speculatiua.

6. Obiectum adæquatum, seu ratio formalis Quæ, obiecti Logicæ: neque est syllogismus: neque Argumentatio: Demonstratio: Voces: neque operationes intellectus quā dirigibiles; Verūm Ens Rationis Logicum in communi acceptum: materiale tamen Obiectum sunt res omnes: quamquam ratio formalis Quæ, collata sub Qua, etiam pro materiali accipitur.

7. Nefas est dicere, Logicam esse frustra: illa plurimūm conducit Intellectui, & omnibus scientijs, dispositiuè tamen non imperatiuè: diciturque necessaria necessitate non absolutā sed conditionatā.

Ex Entibns Rationis.

8. **C**oncedendum est præter Ens Reale. Ens Rationis; non illud quod est subiectiuè, effectiuè ab Intellectu, vel per constructionem intransitiuam; sed cuius est Esse obiectiuè in intellectu.

9. Entia Rationis habent suam veram Essentiam extra nihil positam, atque etiam existentiam: Essentia verò confurgit ex potenciali & aptitudinali habitudine ad Intellectum: Existentia ex actuali.

10. Ens Rationis duplex: vnum habet fundamentum in Re, aliud non habet: Illud subdiuiditur in Carentiam & Relationem: Carentia postmodum in Priuationes & Negationes: Fundamenta illorum sunt Intrinseca & Extrinseca. Intrinseca voco quæ in re ipsâ inueniuntur circa quam negotiatur Intellectus: Extrinseca quæ non in illâ re inueniuntur circa quam negotiatur Intellectus, sed aliundè petuntur: vt quando distinguimus in Deo iustitiam à miseri-

cor-

cordiâ, cuius distinctionis in Deo nullum fundamentum, sed extra in creaturis.

II. Pro causâ Efficiente Entis Rationis assignatur neque sensus, neque Phantasia, neque, memoria neque voluntas, neque bel-luæ: sed solus Intellectus, isque non Diui-nus, vel Angelicus, sed humanus: pro fina-li opportunitas disputandi & inueniendi scientias: pro materiali res & fundamenta à quibus resultant: pro formali, ipsa obiecti-ua Entitas, seu Idea, sub quâ sistunt sese In-tellectui.

12. Ens Rationis est cognoscibile: & qui-dem per speciem sui fundamenti, si intelli-gas impressam: Sin verò expressam hanc habet propriam, & sibi adæquatam per quam cognoscitur.

Ex Vniuersalibus in Comuni.

13. **O**Mnes quidem res mundi sunt singu-lares, nec vllum datur vniuersale, se-paratum à parte rei: per hoc tamen non tol-

luntur vniuersalia materialiter & formaliter accepta: quorum maxima necessitas est ad Demonstrationes, Definitiones & Diuisiones.

14. Vniuersalia Essentiam habent non aggregatam ex vniuersalitate & re denominata: sed hanc quod sint apta esse in multis. Illa neque Locus, Tempus per se concomitatur: possunt tamen dici corporea fundamentaliter in materialibus, in Spiritualibus spiritualia.

15. In quolibet Indiuiduo deprehenditur duplex vnitas Numerica & formalis, sola ratione ratiocinata inter se dissociatæ. Cæterum vnitas Formalis est duplex Generica & Specifica; quarum vnitas, Communitas, & Vniuersalitas à solius intellectus beneficio promanat. Hinc ad multiplicationem Indiuiduorum multiplicantur, tanquam ipsis alligatæ, & appropriatæ. Est autem intellectus possibilis, qui per simplicem comparationē vniuersalia for-

mat:

mat: Metaphysicum tamen Vniuersale potest fieri per abstractionem.

16. Vniuersalia Prædicabilia sunt Quinque, Genus, Species, Differentia, Proprium, & Accidens: respectu quorum Vniuersalitas est verum Genus vniuocū: porro vniuersalitatis prædicabilitas est propria passio.

Ex Vniuersalibus in Particulari.

17. **G**eneris natura optimè definitur, quando dicitur: Quod prædicatur de pluribus differentibus specie in eo quod quid est. Cuius definitionis definitum, est secunda intentio in concreto significata. Huic verò Entitati secundæ Intentionis non solum vt Quo, sed etiam vt Quod, conuenit Definitio & Prædicatio: tum enim secunda intentio habet se vt Quo. quando natura substrata denominatiuè prædicatur & vt Quod: Cæterum quando est Essentialis Prædicatio secunda Intentio habet se vt

Quod. Hinc ortum est dogma verissimum, nempe: quod animali seu naturæ substratæ conuenit denominatiuè de pluribus speciebus prædicari: Generi autem seu secundæ Intentioni Essentialiter & Quiditatiuè.

18. Eadem secunda Intentio quando definitur in concreto, tùm eius Generis loco ponitur subiectum; vel Natura generica; quando verò definitur in abstracto Vniuersalitas.

19. Genus non potest prædicari de speciebus in quantum est contractum, & pars in compositione earum Metaphysica: hinc quandocunq; prædicatur de eis necessario debet sumi vt totum potentiale: etiam differentias per quas solet diuidi non actu, sed in potentiâ continet.

20. Species in quantum subiicitur Generi, non est Vniuersalis; sed in quantum dicit respectum ad sua inferiora: hinc subijcibilitas non est aliqua passio fluens à naturâ Vniuersalis: ac proinde species æquiuo-

cè prædicatur, de specie Subijcibili & Prædicabili.

21. Natura specifica Logicè considerata, non potest in vnico Indiuiduo conseruari: esto benè conseruetur si Metaphysicè vel Physicè accipiatur: porrò natura Generis sumpta tam Logicè, quàm Metaphysicè, requirit pluralitatem specierum saltim possibilem.

22. Porphyrius Duas Definitiones dedit Indiuidui; quarum altera, (nempè Indiuiduum est, quod de vno solo prædicatur) constituit Indiuiduū Logicum: altera Physicum vel Metaphysicum. Est Indiuiduum duplex. Substantiale & Accidentale. Deinceps aliud vagum & Determinatum.

23. Diuisio Differentiæ in Communem, Propriam, & Maximè propriam, est adæquata sed Analoga: accipienda tamen est vnâ cum suis membris secundò intentionaliter: ex quibus vltimum, hoc constituit tertium Prædicabile: iam verò Differentia

Indi-

Indiuidualis continetur sub differentiâ propria. Cæterum differentia cum Genere, non facit speciiei compositionem realem.

24. Proprium quarto modo acceptum constituit quartum prædicabile: cuius Diuisio in quatuor modos est Analoga. Dicitur autem esse Vniuersale respectu speciiei & Indiuiduorum: & differre realiter à subiecto.

25. Accidens non potest excludi à numero Vniuersalium: habet tamen naturam Vniuersalis per ordinem ad subiecta quæ accidentaliter denominat, non autem per ordinem ad inferiora. Eius hanc definitionem optimam esse constat, quando dicitur: Accidens est quod potest adesse & abesse præter subiecti corruptionem. Datur autem Accidentis hæc Essentia, nempe aptitudinalis inhærentia in subiecto.

Ex Antepædicamentis.

26. **P**Ræter Vniuoca, Æquiuoca, Denominatiua danda sunt Analoga; esto
sub

sub æquiuocis à consilio dicantur contineri. Est autem triplex Analogia Inæqualitatis, attributionis, & proportionalitatis: sola tamen Analogia proportionalitatis, nomen Analogiæ promeretur.

27. Prædicamenta accidentium ex abstractis Physicè accidentibus conficiuntur; ex concretis nequaquam, nisi fortè apud Metaphysicum: è contra Prædicamentum Substantiæ constituitur ex concretis substantiarum, ex abstractis penitus nullâ ratione.

28. Prædicamenta proximè distinguuntur per diuersos modos prædicandi, de primâ substantiâ: neque est necesse, vt inter se distinguantur realiter: illorum numerus est decenarius, què Pythagoræi vocabant perfectissimum & exactissimum.

Ex Prædicamentis.

29. Substantia in quantum abstrahit à completâ, perfectâ, & finitâ, est Genus

nus Generalissimum. Cæterum eius Essentia, non in eo quod substat, aut subiiciatur Accidentibus, sed in perse existere, & coherere consistit. Quando diuiditur in primam & secundam, hæc diuisio est bona sed Analogæ: eiusdem membra secundo intentionaliter accipiuntur. Est autem substantia per suam speciem cognoscibilis: quare Accidens duntaxat ex parte nostri, eius iuuat cognitionem.

30. Quantitas realiter distinguitur à substantia. Formalis eius ratio est diuisibilitas: Quantitatis species legitimæ sunt, Continua & Discreta: Cōtinuæ species sunt, Quinquæ Linea, Superficies, Corpus, Tempus, & Locus. Discretæ autem, Numerus & Oratio.

31. Qualitas est secundum quam quales esse dicimur. Hæc definitio licet sit descriptiua retinenda tamen. Diuiditur sufficienter in Habitum & Dispositionem: in naturalem potentiam, & impotentiam: in pas-

tionem & passibilem qualitatem: in formam & figuram. Ex istis quatuor speciebus Habitus & Dispositio, Naturalis potentia & impotentia, tam inter se quàm ab alijs specificè distinguuntur. Consequentes verò species inter se, iam non specificè, sed dūtaxat accidentalitèr differunt.

32. Relatio quæ constituit hoc prædicamentum est Ens Reale, tam secundum rationem communem accidentis, quæ vocatur In: quàm secundum specialem & propriam, quæ vocatur Ad: Relationis non sunt Duo genera sed Vnum.

33. Non omnes relationes pertinent ad hoc Prædicamentum: Relationes enim Divinæ, Transcendentales, relatio inhærentiæ, quam dicunt omnia prædicamenta accidentium ad subiectum: item relationes secundū Dici, & relationes Rationis prorsus ab isto prædicamento remouentur: exceptis solis relationibus, quæ purè respiciunt terminum.

34. Relationis tria sunt Genera fundamentorum, seu rationum fundandi relationes, nempe vnitas seu Numerus, Actio & Palsio, Mensura & Mensurabile: ab his autem fundamentis relationes distinguuntur realiter.

35. Relationes mutuæ terminantur ad relatiuum, non mutuæ ad absolutum: illarum specificatio, non solum à termino, sed etiam à fundamento petitur. Vnitas tamen generica huius Categoriæ, accipienda est, ex modo peculiari quo afficit substantiam, nempe ex eo, quod eam referat ad Terminum: porro vnitas Individualis & Numerica, ex subiecto numerico cui inhæret, accipitur.

36. Vltima Sex Prædicamenta. non sunt purè Denominationes extrinsecæ neq; relatiua secundum Esse: verum sunt Formæ quædam, & accidentia intrinseca relictæ in subiecto, ab aliquo extrinseco. Cæterum Actio definitur, quod sit forma accidentalis

lis

lis fluens, secundum quam agens denominatur, agere in passum: passio verò, quod sit forma accidentalis fluens, subiecto adueniens illata ab agente. Tandem ubi: est circumscriptio corporis, à circumscriptione loci proueniens. Quando est accidēs quod ex adiacentiā temporis, in re temporali relinquitur. Situs est positio partium, & generationis ordinatio, secundum quam dicuntur stare, sedere, &c. Habitus est quædam corporum, & eorum quæ circa corpus sunt adiacentia.

37. Postprædicamenta sufficienter & exactè enumerauit Aristoteles, cum illa posuit esse Quinque, nempe Oppositionem, Prius, Simul, Motum, & Habere. Sunt autem Oppositionis Quatuor species: Contradictoria, Contraria, Priuatiua, & Relatiua: quæ Diuisio est Analogæ. Inter has oppositionis species, Contradictoria est maxima.

Ex Libris perihermenias & Priorum

38. **V**Oces id muneris habent, vt significant non solum Res, sed etiam Conceptus ad placitum. Quoniam res significant principaliter, & tanquam significatum vt Quod: id verò præstant, mediantibus conceptibus: qui res significant naturaliter. Hinc signorum necessitas arguitur; quorum alia propria & impropria: tandem propria sunt naturalia, beneplaciti & consuetudinis &c. Est autem signum, quod præter speciem quam ingerit sensibus, facit nos in cognitionem venire alterius rei.

39. Vox ad Nomen, Verbum, & Orationem non est verum Genus: sed materia in quâ hæc omnia reperiuntur: quare per signum rectius, vt per suum genus, licet remotum definiri possunt: nam proximum Genus illorum est signum Instrumentale ad placitum, suppositiuū & significatiuum. Essen-

40. Essentia Propositionis consistit in eo, quod est vnū de altero enunciare. Cum verò dicitur, quod sit oratio, verum vel falsum significans, per talem definitionem, passionēs Propositionis secundum se spectatæ exprimentur. Hinc illa conuenientior est ex lib. I. Prior: cap. I. nempe Propositionis est Oratio, in quâ aliquid de aliquo affirmatur vel negatur.

41. Propositionis Diuisio in Affirmatiuam & Negatiuam est adæquata & Vniuocata. Eiusmodi tamen diuisio non cadit in categoricam & Hypotheticam, sed Analogica: perinde vt in Vocalem, Scriptam, & Mentalem.

42. Ratione materiæ triplex est Propositio. Necessaria, Contingēs, & Repugnans. Cæterum Propositiones singulares futuri contingentis, habent determinatam veritatem aut falsitatem. Effectus autem contingens, quando est, non est necessarius sed adhuc contingens.

Diseur.

43. Discursus definitur: quod sit motus
mentis ex vnâ re in aliam propter causam:
adeius Essentiam legitimam cōstituendam
requiritur, vt ex Antecedente fiat conse-
quentis illatio: hinc in discursu præsuppo-
nuntur plures cognitiones, non per ratio-
nem, sed realiter distinctæ. Discursus seu Ar-
gumentationis sunt quatuor species legiti-
mæ: Syllogismus, Enthymema, Exēplum,
& Inductio.

44. Licet Syllogismus sit oratio in quâ
quibusdam positis & concessis necesse est
aliud euenire præter ea quæ posita sunt &
concessa: tamen conclusio non est eius pars
Essentialis. Figuræ Syllogismorum Tres:
quarta Galeni Soritem, vel primam regu-
lam antepædicamentalem redolet.

Ex Libris Posteriorum.

45 **V**Niuerſale pronunciatum Aristotelis
nempè omnis doctrina & disciplina
intellectiua fit ex præexistenti cognitione:
intel-

intelligendum est, de sola cognitione discursiua. Hinc ante demonstrationem requiruntur Duæ Præcognitiones, An sit & Quid. Præcognita tria subiectum. Passio, & Principia. Circa quidem subiectum præcognoscendum est An sit: Non quidem actu existens, sed saltem possibile: & quid sit, iam quid nominis quam rei: Circa Passionem sufficit præcognoscere. quid nominis: Circa autem Principia an sint vera.

46. Duplex apud Aristotelem apprehenditur Definitio Demonstrationis: quarum vtræque licet sit bona: secunda tamen plenius exprimit naturam Demonstrationis, cum docet quod debeat constare ex veris, primis, immediatis, prioribus, notioribus, & causis Conclusionis. Debent præterea demonstrationis præmissæ esse de omni, perse, & de Prædicato vniuersali. imò verò etiã constare ex proprijs & necessarijs.

47. Quando Demonstratio diuiditur in Demonstrationem Quia, & propter Quid:
D est

est quidem eadem Diuisio sufficiens, sed Analogica, non Vniuoca. Habet autem Demonstratio, pro medio, solam definitionem subiecti tanquam veram & legitimam ipsius causam.

48. De rebus humanis tollere scientiam nefas est, cuius optima apud Philosophumprehenditur definitio: nempe quod cognitio rei per causam & quod illius propria causa sit, & quod hoc aliter se habere non Contingat. Quam qui cum Aristotele diuiserit in subalternantem & subalternatam nequaquam errabit: Subalternata tamen à subalternante accidentaliconditione differt. Vnus verò, & idem actus intellectus non potest esse simul scientia & opinio.

49. Scientiæ vnitas, atque simul distinctio, vel secundum Genus, vel secundum speciem, non est accipienda à solo obiecto formali in Esse rei, seu à ratione Quæ. nisi ad idem concurrat obiectum in Esse scibili: seu ratio formalis sub Qua. Quāquam hæc
peten-

petenda est ex abstractione à materiâ, si v-
nitas scientiæ secundum Genus spectetur:
fin verò vnitas secundum speciem, à distin-
ctione specificâ principiorum, intra idem
obiectum in Esse scibili repertorum.

50. Præter habitum Scientiæ, dandus
est habitus primorum principiorum: qui
nomen non est idem quod potentia intelle-
ctiua, cum ei superaddatur, sitque ab eâ di-
tinctus. Hic verò Habitus partim est à na-
turâ partim nostris actionibus compara-
tus: nam ratione specierum, quas beneficio
sensuum haurimus, est acquisitus: dein-
ceps ratione luminis, quod est à na-
turâ intellectui insitum, est
naturalis.

Laudetur Sanctissima Trinitas,
atque Beatissima Virgo.




Subfelicitibus auspicijs Admodū
Rñdi & Magnifici Dñi,

D. STANISLAI PVDŁOWSKI
I. V. D. & Professoris, Præpositi S. Nico-
lai, Proronorij Sedis Apostolicæ
& Vniuersitatis Cracouiē.
R E C T O R I S
Vigilantissimi.



Biblioteka Jagiellońska



sidr0011526

